

SIKU YA MTOTO WA AFRIKA

TAREHE 16 JUNI YA KILA MWAKA ni kilele cha maadhimisho ya **SIKU YA MTOTO WA AFRIKA**. Lakini kutokana na sababu, zilizokuwa nje ya uwezo wangu tarehe 16 Juni ya Mwaka huu, sikuweza kuandika chochote juu ya siku hii muhimu kwa watoto wote wa Afrika. Kwa kutambua umuhimu wa Watoto wa Afrika, nimeona si vema maadhimisho Mwaka huu kupita bila kuandika chocho juu ya watoto wetu.

HISTORIA FUPI YA SIKU YA MTOTO WA AFRIKA.

Mwaka 1990 uliokuwa **UMOJA WA NCHI ZA AFRIKA (OAU)** Ulipisha Azimio la kuwakumbuka Watoto wa Shule walio uawa na **SERIKALI YA MAKABURU** katika **KITONGOJI CHA SOWETO** Kilichopo nchini **AFRIKA YA KUSINI**. Watoto hao waliuawa kinyama **TAREHE 16 JUNI, 1976**.

Katika tukio ilo la kusikitisha, inakadiriwa kuwa **WATOTO WAPATAO 2,000** waliuwa kikatili na Serikali ya Kikaburu. Na sababu kubwa iliyopelekea watoto hao kupoteza maisha ilikuwa ni kudai haki ya msingi ya kutobaguliwa kutokana na rangi yao na haki nyingine za kibindamu.

Kwa kutambua Umuhimu wa Mtoto wa Afrika, Uliokuwa Umoja wa Nchi za Africa (OAU) ulitangaza rasmi kuwa maadhimisho haya yatakuwa yakifanyika Juni 16 kila Mwaka kwa Nchi Jumuiya.

MALENGO YA KUPITISHA AZIMIO LA KUMBUKUMBU YA MTOTO WA AFRIKA.

Uliokuwa Umoja wa Nchi za Africa (OAU) ulikuwa na Malengo mengi sana juu ya Mtoto wa Afrika. Na Miongoni mwa Malengo hayo ni kama yafuatayo;

- Kuwa na siku Maalumu ya Kuelimisha na Kuwakumbusha Wazazi, Walezi na Wadau mbalimbali kuitikia utekelezaji na wajibu wa majukumu yetu katika kuwapatia watoto haki zao za msingi.
- Kutambua umuhimu wa Mtoto Duniani.
- Kuweka Usawa kwa Watu wote.

Hivyo basi, hayo, yalikuwa, ni baadhi ya Malengo ya **OAU** juu ya Mtoto wa Afrika.

SIKU YA MTOTO WA AFRIKA JUNI 16, 2017

Jamhuri ya Muungano wa Tanzania kupitia **WIAZARA YA AFYA, MAENDELEA YA JAMII, JINSIA, WAZEE NA WATOTO**, iliungana na Nchi nyingine Wanachama wa Umoja wa Afrika Kuadhimisha siku hii kwa mujibu wa Azimio lililopitishwa na Nchi 51 za Umoja wa Afrika. Maadhisho hayo kwa Tanzania uadhimishwa kuanzaia ngazi ya mkoa kwa kuzingatia taratibu za mkoa husika.

Maadhimisho ya Siku ya Mtoto wa Afrika, uwambatana na kauli mbiu ambayo inalenga kuhamasisha jamii kutatua changamoto ambazo watoto wa Tanzania wanakabiliana nazo.

WITO WANGU KWA SERIKALI, SEKTA BINAFSI NA WASOMI KWA UJUMLA.

Ni wito wangu kwa **SERIKALI** kupitia **WIZARA YA AFYA, MAENDELEA YA JAMII, JINSIA, WAZEE NA WATOTO** kuhakikisha kuwa fedha zilizopangwa kwaajili ya watoto wa Tanzania zinatumika kwa matumizi yaliyokusudiwa katika ngazi zote nchini.

Pia Serikali inapaswa kutatua changamoto zinazowakabili watoto wa Tanzania na kuwapatia;

- Elimu bora
- Afya bora na
- Maisha bora.

Wito wangu, kwa **WATUNGAJI NA WALINZI WA SHERIA, KANUNI NA TARATIBU ZINAZOLINDA WATOTO NCHINI** kutilia mkazo zaidi na kwa umakini mkubwa kusimamia Sheri za Watoto.

Wito wangu, kwa **SEKTA BINAFSI**, hakikisheni mnaweka mkazo kwa serikali kwa kuhakikisha inasimamia vizuri Sela na Sheria za Watoto. Na pale mnapoona baadhi ya Sheria au Utaratibu unakiukwa juu ya watoto, msisite kuzungumza kwa mustakabali wa Taifa.

Pia natoa wito kwa **WASOMI**, tushirikiane katika kuelimisha umma hasa wazazi kwa kuwaelimisha juu ya faida za watoto na athari za kuwanyima watoto haki zao za msingi.

MWISHO

Napenda, kumshukuru Mwenyezi Mungu kwa kunipa nguvu na uwezo wa kukaa na kufikiria kuandika Makala hii. Bila ya Yeye mimi si chochote.

Napenda, kuipongeza Serikali yangu kupitia Wizara ya Afya, Maendeleo ya Jamii, Jinsia, Wazee na Watoto, kwa kuitambua siku hii muhimu kwa watoto wetu. Napenda pia, kuwapongeza wadau wote wa maendeleo, kwa kuendelea kushirikiana na Serikali katika kuboresha na kusimamia Haki za Watoto wa Tanzania.

Mwisho kabisa, napenda kukipongeza **Chama** chetu **cha Haki za Binadamu Chuo Kikuu Mzumbe (MUHRA)**, kwa kuweza kuikumbuka siku hii muhimu kwa Watoto wa Afrika. Chama kiliweza kukutana na baadhi ya watoto wa Shule za Msingi za Mkoani Morogoro kwaajili ya kujadili na kutafuta mbinu mbalimbali za kutatua changamoto zinazo wakabili.

ASANTENI SANA

SHAFFIH ATHUMAN RUGINE,

KATIBU MKUU, MUHRA

JUNI 18, 2017